

Diagnoses Duarum Anthemidum Pyrenæarum

Abbate Miégeville

To cite this article: Abbate Miégeville (1865) Diagnoses Duarum Anthemidum Pyrenæarum, Bulletin de la Société Botanique de France, 12:9, 397-397, DOI: [10.1080/00378941.1865.10825061](https://doi.org/10.1080/00378941.1865.10825061)

To link to this article: <http://dx.doi.org/10.1080/00378941.1865.10825061>



Published online: 08 Jul 2014.



Submit your article to this journal [↗](#)



Article views: 3



View related articles [↗](#)

DIAGNOSES DUARUM ANTHEMIDUM PYRENÆARUM, auctore abbate MIÉGEVILLE.

(Géraison, in sacello B. V. M., die 4 Octobris, anno 1865.)

1. *Anthemis montana* DC. Lapeyr. non L. ex Gay (*A. major* G.G.).

Calathides *magnæ*, pedunculis *striatis*, nudis, *elongatis*, apice non crassis innixæ. Periclinium foliolis imbricato-applicatis, imparibus constitutum : externis lanceolatis, obtusiusculis; internis ellipticis, apice sphacelatis; omnibus albo-ciliatis et *marginè nigris*. Flores radii albi, ligulati, oblongi; flores disci flavi, tubo infra non ampliati. Achænia costis vix prominentibus, non rugosis cincta; disco epigyno ora acutiuscula munito. Paleæ receptaculi floribus disci *multo breviores*, subito in acumen attenuatæ minutum, nigricans, *nonnullis dentibus basi instructum*. Folia pennipartita; pinnis lanceolatis, integris aut 2-3-fidis; lobulis *obtusiusculis*. Caules erecti, plerumque simplices, inferius tantummodo foliosi. Stirps perennis. Planta 1-2 decimetr. longa, leviter *albido-lanuginea*.

Crescit in summo vertice vulgo dicto *Pic du Midi de Bigorre*, Augusto et Septembri, et alibi.

2. *Anthemis pyrenaica*.

Calathides pedunculis canaliculatis suffultæ, nunquam in parte summa crassescens. Periclinii *villosi* foliola inæqualia : inferiora lanceolata, fere acuta; superiora elliptica, rotundata apice laciniato; omnia dorsali costa virenti et eminenti dotata, et *large scariosa marginibus albis, in fine fuscis*. Flores radii albi, fertiles, ligulati, denique reflexi; flores disci flavescentes, tubo basi dilatato. Achænia decem costis nudis et paribus circumdata; superiora minora. Discus epigynus præditus ambitu acutiusculo, tandem converso in *pulvinum undulato-sinuatum et umbilicatum*. Paleæ receptaculi perstantes, carinatæ, lanceolatæ, in acumen tenue et longum desinentes. Folia *bipinnata*, aut *pinnata*, sæpe *mixta*; lobulis lineatis, *elongatis, mucronatis*, expansis; inferiora aliquoties e basi nonnullis lobis simplicibus aut 2-3-fidis instructa; *cuncta in superiore pagina invariabiliter punctata, id est caver-nulis alveolos fingentibus cooperta* ! Caules adscendentes, *ramoso-dichotomi* ! Stirps perennis, *fusiformis, fibrillis capillaribus onerata*. Planta 1-5 decimetr. longa, ramosa e basi, vix odorifera, *pubescentia* induta *lanuginoso* plus minusve compacta et plus minusve diffusa.

Crescit in pluribus locis montium formantium circumscriptionem territorialem vallis *Baréges*, Augusto, Septembri et Octobri.

M. Eug. Fournier fait à la Société la communication suivante :